



密教修持儀軌一

受菩提心戒儀

大廣智大興善寺三藏沙門 不空奉 詔譯

弟子某甲等，稽首歸命禮。遍虛空法界，十方諸如來。
瑜伽總持教，諸大菩薩眾。及禮菩提心，能滿福智聚。
令得無上覺，是故稽首禮。

禮佛真言曰：

唵	薩嚩	怛他	孽多 ^(引)	跋娜	滿那	喃	迦嚩	彌
ॐ	𑖀𑖡𑖛	𑖀𑖣𑖤𑖥	𑖀𑖦𑖧𑖨	𑖀𑖩𑖪𑖫	𑖀𑖬𑖭𑖮	𑖀𑖯𑖰	𑖀𑖱𑖲	𑖀𑖳
Oṃ	sarva	tathāgataḥ	pā	davandanām	karomi			

次應運心供養。

弟子某甲等，十方一切刹。所有諸供養，花鬘燈塗香。
飲食幢旛蓋，誠心我奉獻。諸佛大菩薩，及諸賢聖等。
我今至心禮。

普供養虛空藏真言曰。

唵	誡誡曩 ^(引)	三婆嚩	嚩日囉 ^(二合)	斛
ॐ	𑖀𑖀𑖂	𑖀𑖂𑖄	𑖄𑖂	𑖄
Oṃ	gaganāṃ	sambhava	vajra	hoḥ

次應懺悔。

弟子某甲等，今對一切佛。諸大菩薩眾，自從過去世。無始流轉中，乃至於今日。愚迷真如性，起虛妄分別。貪瞋癡不善，三業諸煩惱。及以隨煩惱，違犯他勝罪。及餘罪愆等，毀謗佛法僧。侵奪三寶物，廣作無間罪。無量無邊劫，不可憶知數。自作教他作，見聞及隨喜。復依勝義諦，真實微妙理。聖慧眼觀察，前後中三際。彼皆無所得，自心造分別。虛妄不實故，以為慧方便。平等如虛空，我悉皆懺悔。誓不敢覆藏，從今懺已後。永斷不復作，乃至成正覺。終更不違犯，唯願十方佛。一切菩薩眾，哀愍加護我。令我罪障滅，是故至心禮。

懺悔滅罪真言曰。

唵	薩嚩	跋波	捺賀 ^(引) 曩	嚩日囉 ^(二合) 野 ^(引)	娑嚩 ^(二合引) 賀 ^(引)
ॐ	𑖀𑖂	𑖀𑖀	𑖄𑖂𑖄	𑖄𑖂𑖄	𑖄𑖂
Oṃ	sarva	pāpa	dahānāṃ	vajrāyā	svāhā

次當受三歸依。

弟子某甲等，從今日以往。歸依諸如來，五智三身佛。

歸依金剛乘，自性真如法。歸依不退轉，大悲菩薩僧。

歸依三寶竟，終不更歸依。自利邪見道，我今至心禮。

三歸依真言曰。

唵 步^(引) 欠

𑖀 𑖄 𑖆

Oṃ bhūḥ khaṃ

次應受菩提心戒。

弟子某甲等，一切佛菩薩。從今日以往，乃至成正覺。

誓發菩提心。

有情無邊誓願度，福智無邊誓願集。

佛法無邊誓願學，如來無邊誓願事。

無上菩提誓願成。

今所發覺心，遠離諸性相。蘊界及處等，能取所取執。
諸法悉無我，平等如虛空。自心本不生，空性圓寂故。
如諸佛菩薩，發大菩提心。我今如是發，是故至心禮。

次誦受菩提心戒真言曰。

唵 胃地 啣多 母怛波_(二合) 那野_(引)彌
ॐ ཨཱེ བཱེ མུཏཱེ ཏཱེམི
Om bodhi citta mutpād dayāmi

最上乘教受發菩提心戒懺悔文

弟子某甲等，歸命十方一切諸佛、諸大菩薩，大菩提心爲大
導師，能令我等離諸惡趣，能示人天入大涅槃，是故我今至
心頂禮。

弟子某甲等，十方世界所有一切最勝上妙，香花、旛蓋、種
種供養，奉獻一切諸佛菩薩，至心頂禮。

弟子某甲等，自從過去無始已來，乃至今日，貪瞋癡等種種
煩惱，及忿恨等諸隨煩惱，惱亂身心，廣作一切身業不善—
殺盜、邪淫，口業不善—妄言、綺語、惡口、兩舌，意業不

善一貪、瞋、邪見，種種煩惱，無始相續纏染其心，令身口意造罪無量，或殺父母、殺阿羅漢，出佛身血、破和合僧，毀謗三寶、打縛眾生，破齋、破戒、飲酒、食肉，及食五辛，如是等罪無量無邊，不可憶知。今日誠心發露懺悔，一懺已後，永斷相續更不敢造。唯願十方一切諸佛、諸大菩薩，加持護念，能令我等罪障銷滅。

弟子某甲等，自從今身乃至當坐菩提道場，於其中間，歸依如來無上三身，歸依方廣大乘法藏，歸依一切不退菩薩僧。歸依佛竟，歸依法竟，歸依僧竟。從今已後更不歸依二乘、外道，唯願十方一切諸佛，證知我等，至心頂禮。

弟子某甲等，始從今身，乃至當坐菩提道場，於其中間，誓發無上菩提心。

眾生無邊誓願度，福智無邊誓願集。法門無邊誓願學，
如來無邊誓願事，無上菩提誓願成。

今所發心，復當遠離我法二相，顯明本覺，真如平等鏡智現前。得善巧智，具足圓滿普賢之心。唯願十方一切諸佛、諸大菩薩證知我等，至心頂禮。

南無 東方阿閼佛！

南無 南方寶生佛！

南無 西方阿彌陀佛！

南無 北方不空成就佛！

南無 清淨法身毘盧遮那佛！

受菩提心戒儀一卷

